



NOUVEAUX
POUR TRAITZ
ET FIGURES DE TERMES

pour vsiet en l'architecture: Com-
posez & enrichiz de diuersité
d'animaulx, representez au vray,
selon l'antipathie & contrariété
naturelle de chacun d'iceulx.

*Camille Falconet aggr. l'ing.
Orant. de P. A. R. de. n. p. de. l'ing.
Joseph deuillet Lezeu. Controrolleur pour
le Roy au magazin & grenier a sel
au d'ict lieu.*

Imprime a Légres par Ichâ des prey.

Sage est qui mesu-
re sa force.

7-5
-4-12
7-2-13
7-4



Du Rhinocerot.

pl. 5. 8.
c. 20.
Eh. II. 17
c. 44.

LE Rhinocerot est animal approchant à la grosseur de l'Elephant, auquel il est ennemy, l'Assailât avec sa corne qu'il a au naseau, dure comme fer, & tranchante, d'ou le nô grec luy est baillé, & encores à ceste adresse de l'aguyser contre vn Roc quant il veult combattre. Ce naturel a esté cogneu par ceulx qui rapportent auoir veu vn Rhinocerot lequel fut amené des Indes en Portugal, au roy Emanuel en fan 1515 auquel on presenta vn Elephât qui de premiere veue se retyra, comme effrayé de veoir si soudainemēt son ennemy: Combien que l'Elephant ayt bien dequoy le maistriser & atterrer de son muffle & ses dêts, quant il peult sauluer & eschapper le tour du nez, qui est toute la force & violence du Rhinocerot.

Cest pourquoy, j'ay icy accouplé ces deux bestes, & fait seruir le Rhinocerot pour vn terme qui se pourra employer soubz charge de pareille force à l'Elephant, & en quelque bassestige.







De la Licorne.

LA Licorne est entre les animaux la plus douce & tres-belle a veoir, estant pourueue d'une vertu naturelle tres-agreable a to^s, elle se treuve es Indes au Royaume de Niem ayant la corpulēce d'un Cheual, & la teste de Cerf, son poil est roux, & au milieu du front vne seule corne de la longueur de quatre piedz & plus, & est tellement aigue que

Albert.

tout ce qu'elle frappe, facilement elle penetre, Solin dict que la corne est transparēte, cest animal se delecte es lieux les plus solitaires, & se plaist aussi grandement a l'aspect de quelque ieune fillo & se glorifie de la veoir.

Son grand ennemy, & plus contraire qu'elle ayt, est le Lion: Cest pourquoy te le represente deuant son tarquoy & l'ay figuree en forme de terme, lequel me semble estre assez propre pour estre accompagnē de lordre du Cheual estant de mesme corpulence & grandeur.







Encores de la Licorne.



Esirant diuersifier ce terme, afin de donner meilleure volonté aux ouuriers de les employer aux edifices, i'ay dressé ce terme de Licorne d'une aultre inuention assez gaillarde, avec son contraire. Adioustant la propriété de sa corne qui est telle, & a tât de puissance, quelle chasse tout le venin suyuant

l'opinion des anciens & pratique ordinaire, en ayât esté faiète l'esprouue de nostre temps par le sieur de Brissac lequel en la presence de plusieurs medecins, chirurgiens & apoticaire des plus fameux de ce Royaume fit bailler par leur aduis a deux pigeons d'une mesme couuee chacun douze grains de napellus dont l'un diceulx commenceât a se mal porter on luy dôna incontînât douze aultres grains de la Licorne par le moyen dequoy il ne mourut pas, & l'aultre au cōtraire ne cessa de se debattre iusques a ce qu'il fust mort, estimant que pour la singuliere vertu de ladicte Licorne vn chacun se delectera a en auoir en ses bastimēts. Cest pourquoy iay inuenté ce second terme d'une aultre façon avec son contraire qui est la teste d'un Lion au deuant de son tarquois pour seu seruir par Pouurier ainsi qu'il aduifera pour le mieulx.



